





Նոյեմբերի 19-ին, երեքշաբթի.—Այսօր Վեհափառ Հայրապետի հրավերով Մայր Աթոռ է ժամանում Արևմտյան Եվրոպայի հայրապետական պատվիրակի Փարիզի փոխանորդ տ. Գյուտ եպս. Նազաշյանը:

Հանում Հայոց Հայրապետի սրբազան հորը Երևանի օդանավակայանում դիմավորում է Մայր տաճարի լուսարարապետ տ. Հուսիկ եպս. Սանթրոքյանը:

Մայր տաճարում իր աղոթքն անելուց հետո տ. Գյուտ եպիսկոպոսը Վեհափառում աջահամբույրով ստանում է Վեհափառ Հայրապետի օրհնությունը:

Նույն օրը Վեհափառ Հայրապետին է այցելում հյուրաբար Երևանում գտնվող լիբանանահայ ծանոթ հասարակական գործիչ Փանոս Թիթիզյանը:

Նոյեմբերի 25-ին, երկուշաբթի.—Այսօր

Մայր Աթոռ և Վեհափառ Հայրապետին այցելեցին Հայաստանում գտնվող Գերմանական Դեմոկրատական Հանրապետության պառլամենտական պատվիրակության անդամները՝ գլխավորությամբ Գ.Դ.Լ-ի ժողովրդական պալատի նախագահ, Գ.Դ.Լ-ի Պետական խորհրդի նախագահի տեղակալ Հերալդ Գյոտինգը:

Հայոց Հայրապետի և հարգարժան հյուրերի միջև տեղի ունեցավ սրտագին զրույց մի շարք հետաքրքիր հարցերի շուրջ:

Նոյեմբերի 27-ին, չորեքշաբթի.—Այսօր, առավոտյան, Մայր Աթոռից և Վեհափառ Հայրապետից հրաժեշտ առնելով, Բելրուֆ է մեկնում տ. Գյուտ եպս. Նազաշյանը:

Նոյեմբերի 30-ին, շաբաթ.—Տօն սրբոց առաքելոցն և առաջին լուսաւորչացն մերոց Թադէոսի և Բարդուղիմէոսի.

Այսօր Մայր տաճարում ս. պատարագ է մատուցում տ. Գուրգեն քնն. Աշուրյանը:

